



## საქართველოს იუსტიციის უმაღლესი საბჭო

ქ. თბილისი № 1/174

“ 18 ” ნოემბერი 2020 წ.

### ბ ა ნ კ ა რ ბ უ ლ ე ბ ა

**რ. ნადოის მცხეთის რაიონული სასამართლოს მაგისტრატი  
მოსამართლის თანამდებობაზე უვადოდ გამწესების შესახებ**

„საერთო სასამართლოების შესახებ“ საქართველოს ორგანული კანონის 36-ე მუხლის მე-4 და 4<sup>1</sup> პუნქტების საფუძველზე და საქართველოს იუსტიციის უმაღლესი საბჭოს მდივნის თანდართული დასაბუთების შესაბამისად, რეზო ნადოი 2020 წლის 1 დეკემბრიდან გამწესდეს დუშეთის მუნიციპალიტეტში მცხეთის რაიონული სასამართლოს მაგისტრატი მოსამართლის თანამდებობაზე უვადოდ, კანონით დადგენილი ასაკის მიღწევამდე.

ნინო ქადაგიძე

საქართველოს უზენაესი სასამართლოს თავმჯდომარე  
საქართველოს იუსტიციის უმაღლესი საბჭოს თავმჯდომარე

**დასაბუთება**  
**რეზო ნადოის მცხეთის რაიონული სასამართლოს**  
**მაგისტრატი მოსამართლის თანამდებობაზე დანიშვნის თაობაზე**

„საერთო სასამართლოების შესახებ“ საქართველოს ორგანული კანონის 35-ე მუხლის საფუძველზე საქართველოს იუსტიციის უმაღლესი საბჭოს მიერ 2020 წლის 26 ივნისის №1/89 გადაწყვეტილებით გამოცხადდა მოსამართლეობის კანდიდატთა შესარჩევი კონკურსი საერთო სასამართლოების სისტემაში არსებულ ვაკანსიებზე. მათ შორის დუშეთის მუნიციპალიტეტში მცხეთის რაიონული სასამართლოს მაგისტრატი მოსამართლის 1 ვაკანტურ თანამდებობაზე.

კანდიდატთა რეგისტრაცია მიმდინარეობდა 2020 წლის 29 ივნისიდან 19 ივლისის ჩათვლით. მითითებულ ვაკანსიაზე დარეგისტრირდა 33 კანდიდატი.

2020 წლის 24 ივლისიდან 21 აგვისტომდე მოსამართლის საქმიანობის შეფასების მართვის დეპარტამენტის მიერ კონკურსში მონაწილე კანდიდატებზე, მათ შორის რეზო ნადოიზე მოძიებულ იქნა „საერთო სასამართლოების შესახებ“ საქართველოს ორგანული კანონის 35<sup>2</sup> მუხლით გათვალისწინებული ინფორმაცია, რომელიც იუსტიციის უმაღლესი საბჭოს წევრებს წარედგინათ 24 აგვისტოს.

**კანდიდატის შესახებ მოძიებული ინფორმაცია:**

რეზო ნადოის აქვს სპეციალობით მუშაობის 23-წლიანი, მათ შორის მოსამართლედ მუშაობის 5 წლამდე გამოცდილება.

მოსამართლედ მუშაობის პერიოდში მის მიმართ არ დაწყებულა დისციპლინური დევნა, არ ყოფილა გამოყენებული დისციპლინური სახდელი ან დისციპლინური ზემოქმედების ღონისძიება.

**კანდიდატთან გასაუბრება:**

საბჭოს წევრების მიერ კანდიდატების შესახებ მოძიებული ინფორმაციის გაცნობის შემდეგ დაინიშნა კანდიდატებთან გასაუბრება. საბჭოს წევრები კანდიდატ რეზო ნადოის გაესაუბრნენ 15 ოქტომბერს. გასაუბრება წარიმართა ღია სხდომაზე და მას ესწრებოდნენ არასამთავრობო ორგანიზაციების წარმომადგენლები.

**კანდიდატის შეფასება:**

2020 წლის 5 ნოემბრიდან 12 ნოემბრამდე პერიოდში იუსტიციის უმაღლესი საბჭოს 15-მა წევრმა კანდიდატი რეზო ნადოი შეაფასა კომპეტენტურობისა და კეთილსინდისიერების კრიტერიუმების მიხედვით.

რეზო ნადოის კეთილსინდისიერების კრიტერიუმით შეფასებისას, საბჭოს შემფასებელმა 12-მა წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს. ხოლო 3-მა წევრმა მიიჩნია რომ აკმაყოფილებს კეთილსინდისიერების კრიტერიუმს.

საბჭოს წევრთა მიერ რეზო ნადოის კომპეტენტურობის კრიტერიუმით შეფასებისას ამ კრიტერიუმების მახასიათებლების მიხედვით კანდიდატის მიერ მოპოვებულმა ქულათა ჯამმა შეადგინა 1246 ქულა, რაც ქულების მაქსიმალური რაოდენობის 83.07%-ია.

**კენჭისყრის შედეგები:**

2020 წლის 18 ნოემბერს დუშეთის მუნიციპალიტეტში მცხეთის რაიონული სასამართლოს სასამართლოს მაგისტრატი მოსამართლის ვაკანსიაზე ჩატრებული კენჭისყრის შედეგად, რომელშიც მონაწილეობა საბჭოს 13-მა წევრმა მიიღო, რეზო ნადოიმ მოიპოვა 12 ხმა.

აღნიშნულ ვაკანსიაზე კენჭისყრის ბიულეტენში შეყვანილ იქნა 11 კანდიდატი, მათგან 1 მოქმედი მოსამართლე, 6 ყოფილი მოსამართლე და 4 იუსტიციის უმაღლესი სკოლის ყოფილი მსმენელი, კერძოდ:

- |                               |                              |
|-------------------------------|------------------------------|
| 1. ბარამიძე ია - 0 ხმა        | 7. ნადოი რეზო - 12 ხმა       |
| 2. გიორგაშვილი სანდრო - 0 ხმა | 8. ნოზაძე პაატა - 0 ხმა      |
| 3. გოგალაძე ირმა - 0 ხმა      | 9. ხაბალაშვილი ნინო - 0 ხმა  |
| 4. დუგლაძე ქეთევან - 1 ხმა    | 10. ჯავახიშვილი მაია - 0 ხმა |
| 5. ზვიადაძე გიორგი - 0 ხმა    | 11. ჯვარშიშვილი მაია - 0 ხმა |
| 6. ლობჯანიძე გიორგი - 0 ხმა   |                              |

**დასკვნა:**

კანდიდატის - რეზო ნადოის კეთილსინდისიერების (საბჭოს შემფასებელმა 12-მა წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს) და კომპეტენტურობის (სამართლის ნორმების ცოდნის, სამართლებრივი დასაბუთების უნარის და კომპეტენციის) კრიტერიუმების გათვალისწინებით, კენჭისყრის შედეგების საფუძველზე, სხვა 10 კანდიდატთან შედარებით უპირატესობა მიენიჭა და შესაბამისად, დუშეთის მუნიციპალიტეტში მცხეთის რაიონული სასამართლოს მაგისტრატი მოსამართლის თანამდებობაზე უვადოდ, კანონით დადგენილი ასაკის მიღწევამდე განწესდა რეზო ნადოი.

ნიკოლოზ მარსაგიშვილი  
საქართველოს იუსტიციის  
უმაღლესი საბჭოს მდივანი

